



Verneområdestyret
Setesdal Vesthei,
Ryfylkeheiane og
Frafjordheiane

Postadresse
Postboks 788 Stoa
4809 ARENDAL

Besøksadresse
Setesdalsmuseet Rysstad,
Setesdalsvegen 3273, 4748 Rysstad

Kontakt
Sentralbord: +47 37 01 75 00
Direkte: +47
fmavjth@fylkesmannen.no
www.svr.no

Delegert vedtak

Olav Nomeland
St. Halvards gate 20 A
0192 OSLO

Arkivsaksnr: 2020/1651-0

Saksbehandler: Jørn Trygve Haug

Dato: 18.03.2020

Utvalg	Utvalgssak	Møtedato
Verneområdestyret for SVR - delegert utvalg	88/20	
Verneområdestyret for SVR		

Innvilga søknad om bygging av felles utedo ved Bossbustøylane 47/3 Olav Nomeland. Valle kommune.

Syner til søknad datert 11.2.2020 og supplerande opplysningar i epost dagsett 18.3.2020.
Vedtak og saksframstilling ligg ved.

Klage

Vedtaket kan påklagast til Miljødirektoratet. Klaga skal sendast til verneområdestyret for vidare handsaming.
Klagefristen er 3 veker frå mottak av vedtaket. Alle parter med klagerett har rett til innsyn i saksdokumenta.
Skrifteleg klage skal sendast til Verneområdestyret for SVR Pb. 788 Stoa, 4809 ARENDAL. Oppgi kva for eit vedtak det vert klaga på, dei endringane klagar ynskjer og grunngjeving for klaga. Dersom det vert klaga så seint at det kan vere tvil om det er klaga i rett tid, må det opplysast når brevet kom fram

Med helsing

Jørn Trygve Haug
Verneområdeforvaltar SVR

Etter våre rutiner er dette brevet godkjent og sendt uten underskrift

Kopi:

Valle kommune
Fylkesmannen i Agder

Postboks 4 4747 VALLE
Postboks 788 Stoa 4809 ARENDAL



Vedtak

Med heimel i *Forskrift om vern av Setesdal Vesthei, Ryfylkeheiane landskapsvernområde* kap. 1.3.c får Olav Nomeland løyve til å sette opp ein utedo ved støylsbua han eig ved Bossbustøylane i Valle kommune. Ut i frå storleik, materialval og plassering vil bygningen gjere lite ut av seg i landskapet. Behovet for bygningen er godt dokumentert.

Vilkår:

- Bygningen skal plasserast slik det er merka av på kartet i saka. Storleiken på bygningen skal vera maksimalt 2,25 m² BYA.
- Det skal nyttast umåla kleding. Taket skal dekkast med naturstein og jord.
- Storleik og utforming skal vera slik det går fram av teikninga i saka men der det i staden skal nyttast ei enkel heimelaga dør med lite vindaug.
- Alt avfall frå byggjearbeidet må fraktast ut og leverast på godkjend mottak
- I tråd med søknaden skal utedoen vera felles for dei tre støylsbuene i området. Dette må sikrast gjennom skriftleg avtale mellom eigarane.
- Det må også ligge føre byggeløyve frå Valle kommune

Ved trong for motorisert transport utover det som ligg inne i gjeldande løyve må dette søkast om særskilt.

Saksopplysninger


Olav Nomeland søker om løyve til å sette opp eit utedo ved støylen ved Bossbustøylane 47/3 i Valle kommune. Det er ikkje utedo eller anna uthus ved hytta frå før. Storleiken på utedoen er maksimalt 1,5 x 1,5 meter. Det er tenkt å nytte umåla materialar slik at den raskt vert lite synleg i terrenget. På taket skal det leggst naturstein og jord for å gi bygningen ekstra tyngde. Teikning av utedoen er teken inn nedanfor. Den er iflg. søkar ikkje heilt rett då det skal nyttast ei enkel heimelaga dør med eit lite vindaug høgt opp på døra. Utedoen skap plasserast attmed ein stor stein. Plassering går fram av kartet nedanfor.

Det står tre støylsbuer på denne staden der søkar eig den eine. Ingen av støylsbuene har utedo i frå før og søkar ønskjer å føre opp ein felles for dei tre støylsbuene. Dette er i følge søknaden eit felles ønske frå dei tre eigarane.


Eksisterande støylsbu er på 15 m³ BYA



Teikning av bygningen. Det skal nyttast ei enkel heimelaga dør med eit lite vindauge.



Kart og bilete over område og plassering av utedoen. Bua til eigar er merka med blått punkt. Plassering av utedoen merka med raudt punkt. Dei tre buene ligg innanfor ein radius på 50 meter.





Formell bakgrunn for vurdering og vedtak

- Forskrift om vern av Setesdal Vesthei-Ryfylkeheiane landskapsvernområde av 28.04.2000
- Forv.plan for verneområda i Setesdal Vesthei, Ryfylkeheiane og Frafjordheiane frå 2015
- Naturmangfaldlova.

Heimelsgrunnlag

Setesdal Vesthei - Ryfylkeheiane landskapsvernområde vart verna ved Kronprinsregentens resolusjon av 28. april 2000. Føremålet med vernet er etter kapittel III i Føreskrift om vern av Setesdal Vesthei- Ryfylkeheiane landskapsvernområde:

- Å ta vare på eit samanhengande, særmerkt og vakkert naturområde med urørte fjell, hei og fjellskogsområde med eit særmerkt plante- og dyreliv, stølsområde, beitelandskap og kulturminne.
- Å ta vare på eit samanhengande fjellområde som leveområde for den sørlegaste villreinstamma i Europa

Jamfør verneforskrifta kap. 1.1 er det forbode med byggetiltak i verneområdet. Av kapittel 1.3.c går det fram at forvaltningsstyresmakta kan gi løyve til mindre tilbygg til eksisterande bygningar om dette ikkje strir mot verneføremålet. I dette ligg også oppføring av mindre uthus/utedo plassert separat frå hytta.

Av retningslinene i forvaltningsplanen kap. 2.3.4 er det opna for utviding av støylsbuer opptil ein storleik på 50 m² BYA. Ein føresetnad er at det er dokumentert konkrete behov, og at det ikkje strir mot verneføremålet og ikkje er eit trugsmål mot verneverdiane.



Verneområdestyret fatta i møte 5.11.2018, sak 32/18 vedtak om vidaredelegering av saker til arbeidsutval og forvaltningssekretariatet. I tråd med denne kan den aktuelle saka avgjerast av forvaltningssekretariatet.

Tidlegare saker

I 2017 ga verneområdestyret løyve til utviding av nabostøylen som ligg rett sør-vest for aktuelle støylsbu (verneområdestyret 15.11.2017). Storleiken på tilbygget var 20 m² BYA slik at total storleik vart snaue 50 m² BYA

I 2020 ga arbeidsutvalet i verneområdestyret løyve til utviding av ein annan støylsbygning i same område (AU 14.02.2020). Her skulle det byggjast på 9 m² og der bygningen etter dette ville vera på 40 m².

Forvaltningssekretariatet har også tidlegare fatta delegert vedtak for bygging av utedo, til dømes ved Jensafet i Kvanndalen Ivo.(delegert sak 98/18) og Hausen i Vormedalsheia Ivo.(delegert sak 9/18).

Vurdering

Etter § 7 i naturmangfoldloven skal de miljørettslege prinsippa i §§ 8- 12 leggjast til grunn som retningsline ved utøving av offentlig myndigheit, og denne vurderinga skal gå fram av avgjerda.

Kunnskapsgrunnlaget § 8

Kunnskapen om naturmangfaldet i området er henta frå lokalkunnskap, Miljødirektoratet sin naturbase (www.naturbase.no), database for sensitive artar, samt frå NINA sitt pågåande GPS-merkeprosjekt. Ein har og nytta kartlegging gjennomført av Norsk Villreinsenter (NVS-rapport 6/210). Kunnskap om kulturminne i området støtter seg på Riksantikvaren sin kulturminnebase (www.asketadden.no).

Områda kring Bossbustøylen ligg i viktige og sentrale delar av villreinområdet. Bygningen ligg jamfør verneforskrifta kap. 4.2 i kalvingssona *Svarvaren 4* der det er ferdselsforbod i perioden 25. april – 31. mai. I naturbasen er områda også definert som viktig sommarbeite. Sør og vest for Bossbustøylane går det viktige trekkveggar for dyra. Sjå kart nedanfor. Data frå GPS-merkeprosjektet stadfester at villreinen nyttar dei aktuelle områda gjennom store delar av året.

Ut frå kjend kunnskap er det ikkje andre særlege sårbare artar i området der støylsbua ligg.



Kart som syner trekkvegar i området (Kjelde: www.naturbasen.no)



I kulturminnebasen Askeladden er området Bossbystøylane omtalt:

Driftelege/støl ca. 1750-1818, støl 1819-1951. Her var fire stølsbruk. Tre stølsbuer står ennå (Systog Berg, Sygard Amlí og bnr. 3 på Nomeland). Det fjerde bruket (Ryningan Amlí) hadde både stølsbu og eit sjølvstendig fjøs, men berre murane ligg att, og i staden er det bygd ei ny hytte for dette fjerde bruket. I området rundt ligg det fire hellerar som ein kan sjå har vore brukte av di der ligg livdemurar, kan hende i tida før dei fyrste stølsbuene blei bygde.

Ut frå omtalen ovanfor vurderer ein kunnskapsgrunnlaget som tilstrekkeleg til å fatte vedtak i saka. § 9 («Føre var prinsippet») vert difor tillagt mindre vekt i dei følgjande vurderingane.

Naturmangfoldlovens § 10 (økosystemtilnærming og samla belastning)

Det ligg i tillegg 3 andre bygningar i dette området. Noko lenger aust ligg som nemnd Bossbu turisthytte der også turistløypa går forbi. I sommarhalvåret er det mykje ferdsel til Bossbu. Det meste av trafikken går aksa Stavskarhytta – Bossbu – Svartenut. Ny Bossbu turisthytte vart sett opp i 2014 og trafikken har auka sidan då. I 2018 var det 1304 gjestedøgn på turisthytta fordelt med 347 på vinter og 957 på sommaren (kjelde DNT sør si årsmelding for 2018). Det er i tillegg ein god del ferdsel i området i samband med reinsjakt og fiske. Gjennom året er det ein del bruk av snøscooter inn til desse hyttene. Det same gjeld til Bossbu der transporten vert gjennomført med snøscooter og helikopter.



Samla gjennom året vurderast samla belastning i området å vera moderat. I enkelte kortare periodar i juli-august vurderast samla belastning å vera høg som følgje av monaleg ferdsel i området.

Grunna det særskilte kulturlandskapet og på staden er det viktig at utforming, materialval og plassering av bygningen vert løyst på ein slik måte at verdien av kulturmiljøet på staden vert ivareteke. Byggetiltaket er sjekka ut med fylkeskonservator. I epost datert 23.3.2020 går det fram at dei ikkje har merknad til tiltaket.

Når det gjeld behovet for bygningen er dette godt grunngjeven med at det ikkje er utedo frå før og ein unngår papir og avfall på avvege.

Området Bossbustøylane ligg relativt eksponert i landskapet. Med storleik, utforming og materialval på bygningen som skissert vil bygningen gjere lite ut av seg i landskapet. Utdoen skal vera felles for dei tre støylsbuene på plassen. Ut frå landskapsomsyn synast dette som ei god løysing i staden for at kvar støylsbu skal ha sin eigen. Forvaltar legg til grunn at ein felles bruk av bygningen vert sikra gjennom skriftleg avtale mellom eigarane. Det kan ut i frå dette ikkje påreknast at det seinare vil bli gjeven løyve til fleire separate utedoar i området.

Naturmangfoldlovens § 11 (kostnadene ved miljøforringelse skal bæres av tiltakshavar) og Naturmangfoldlovens § 12 (miljøforsvarlig teknikker og driftsmetoder)

Tiltakshavar er ansvarleg for at tiltaket vert gjennomført på ein miljømessig god måte. Dette gjeld tilpassing av bygningen til omgjevnaden og eksisterande bygningsmiljø. I tillegg sikre at avfall frå bygningsarbeidet vert handert tilfredsstillande.

I området er det forbod mot all ferdsel i perioden 25.april til 31.mai. Ut frå dette vert stilla som vilkår at bygningsarbeidet vert gjennomført utanom nemnde periode.

Andre vurderingar

Ved trong for motorisert transport utover det som ligg inne i gjeldande løyve må dette søkast om særskilt.

Konklusjon

Det vert gjeven løyve til bygningen. Ut i frå storleik, materialval og plassering vil bygningen gjere lite ut av seg i landskapet. Utdoen skal vera felles for dei tre støylsbuene. Ut i frå dette vil bygningen ha liten negativ innverknad på verneverdiane i Setesdal Vesthei - Ryfylkeheiane landskapsvernområde. Tiltaket kjem ikkje i konflikt med verneformåla og vil ikkje vera eit trugsmål mot naturmangfaldet. Det vert sett vilkår for tiltaket.